



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Hierakosophion

Demetrius <Pepagomenus>

Lvtetiae, 1612

xxxiii. Ad grauedinem.

**urn:nbn:de:hbz:466:1-12846**

*Ad pituitam mollem, quæ liquida per  
nares defertur.*

**C**VM accipitrem oscitantem videbis,  
& naribus liquorem eijcientem, scito  
eum molli pituita laborare. ita curabis.  
Liquidam picem in eius os infundes; quam  
cum deuorarit, acetum acerrimum per  
nares iniicies, aut garum bonum, palatum  
melle fricabis, atque illum in sole colloca-  
bis. Quod si diu permaneat hæc ægritudo,  
sandaracham cum aceto acri conteres, eo-  
que palatum illines. Alij ita illum curant.  
piperis chamæleontis, singulorum scru-  
pulum, costi sesquisextulam, commiscent,  
terunt, hisque palatum confricant, & nari-  
bus infundunt.

*Ad grauedinem.*

**A**CCIPITREM grauedine laborare co-  
gnosces, cum videbis ipsum per nares  
liquorem, & per oculos spumam emittere:  
Hunc ita purgabis. Piperis, pediculariæ,  
singulorum grana quinque spicam, allium,  
vinum, liquidam picem mundam, quan-  
tam vno digito capere potes, contundito  
vnâ, sumito quantum gladij cuspis capit.  
oleo & balsamo palatum accipitris de-  
frica, illumque in sole collocato ad septi-

S iij



mam horam, ipsumque pascito carne qualibet.

*Ad pituitam occultam.*

**C**VM caput intumescit, & frequenter oscitatur, & lente reddit excrementa, scito illum pituita latenti laborare. ita curabis. Seminis agrestis, rutæ scrupulum, piperis, pyrethri, singulorum scrupulum, pediculariæ grana viginti, folij, costi, singulos scrupulos. vnà contundito, palatum ipsius fricato.

*Ad pituitam spiritum elidentem.*

**A**CCIPITREM, pituita fauces stringentem, laborare cognosces, cum guttur accipitris intumescit ex humoribus coactis, oculi spumam remittunt, caput tumidum est, nares nihil redunt. ita sanabis. Herbam nuncupatam phryarium contusam miscabis cum vino vetere, & in sparsam carnem suillam feruefactam dabis accipitri. Quidam succum betæ cum melle naribus infundunt. Alij lac muliebri cum succo rutæ naribus immittunt.

*Ad pituitam proficiscentem ex dolore capitis.*

**C**VM accipiter curuus manet, & respirare nequit; cum oculis est hebetibus